

22

425
P.B.: 28

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-47441-10.1/20
Sarajevo, 26.11.2020. godine

PROGRAM
PLANSKE POPUNE UPRAŽNJENIH RADNIH MJESTA
U PROFESIONALNOJ VATROGASNOJ JEDINICI
KANTONALNE UPRAVE CIVILNE ZAŠTITE KANTONA SARAJEVO
ZA PERIOD OD 2021. DO 2025. GODINE

Sarajevo, novembar 2020. godine

I UVOD

U skladu sa odredbama Zakona o zaštiti od požara i vatrogastvu („Službene novine Federacije BiH“, broj: 64/09) i odredbama Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj: 2/12-Prečišćeni tekst, 41/12, 8/15 i 13/17), nekadašnja Profesionalna vatrogasna brigada Kantona Sarajevo, od 1. februara 2013. godine je inkorporirana u sastav Kantonalne uprave civilne zaštite Kantona Sarajevo (u daljnjem tekstu: Uprave), kao posebna organizaciona jedinica.

Procjenom ugroženosti od požara Kantona Sarajevo, koju je usvojila Vlada Kantona Sarajevo, na 23. sjednici održanoj 28.05.2013. godine, Zaključkom broj: 02-05-15617-19/13, predviđeno je, da Profesionalna vatrogasna jedinica Uprave (u daljnjem tekstu: PVJ), treba da ima 270 uposlenika za obavljanje poslova zaštite od požara i vatrogastva na području Kantona Sarajevo (u daljnjem tekstu: Kanton).

Na osnovu navedene Procjene u Pravilniku o unutrašnjoj organizacije Uprave, broj: 22-44-386/17 od 28.02.2017. godine, broj: 22-44-792/17 od 21.04.2017. godine i broj: 03-04-126/20 od 24.01.2020. godine, određeno je poslove i zadatke iz nadležnosti PVJ vrši ukupno 270 uposlenika. Trenutno je u PVJ popunjeno 189 radnih mjesta, dok je upražnjeno 81 radno mjesto, što znači da je popunjenost PVJ samo 70%.

Shodno navedenom, a imajući u vidu činjenicu, da je prosječna starost profesionalnih vatrogasaca u PVJ 45 godina i da će u narednih pet godina (od 2021. do 2025. godine) 36 vatrogasaca otići u penziju, da na tržištu rada ima veoma mali broj osoba (profesionalnih vatrogasaca) koje ispunjavaju uslove propisane Zakonom o zaštiti od požara i vatrogastvu za rad u profesionalnim vatrogasnim jedinicama i da je Vlada Kantona u skladu sa članom 14. Zakona o zaštiti od požara i vatrogastvu i članom 4. Zakona o nadležnostima organa vlasti Kantona Sarajevo u oblasti zaštite od požara i vatrogastvu („Službene novine Kantona Sarajevo“, broj: 23/11), između ostalog, u oblasti zaštite od požara i vatrogastva, nadležna da organizuje zajedničku profesionalnu vatrogasnu jedinicu za gašenje požara na području Kantona i da osigurava kadrovske, materijalne, tehničke i druge potrebe za efikasno funkcionisanje vatrogastva na području Kantona, iskazala se potreba da se u cilju planskog rješavanja problema slabe popunjenosti PVJ sa ljudstvom (profesionalnim vatrogascima) izradi i donese Program planske popune upražnjenih radnih mjesta u Profesionalnoj vatrogasnoj jedinici Kantonalne uprave civilne zaštite Kantona Sarajevo za period od 2021. do 2025. godine (u daljnjem tekstu: Program popune upražnjenih radnih mjesta u PVJ).

Programom popune upražnjenih radnih mjesta u PVJ, utvrđuje se način i postupak popune upražnjenih radnih mjesta: vatrogasac, vatrogasac-vozač, šef odjeljenja za zaštitu od požara, komandir druge čete, komandir dispečerskog centra, šef održavanja, instruktor za stručnu nastavu i drugih radnih mjesta koja postanu upražnjena u PVJ, kao i način i postupak prijema vatrogasaca pripravnika i njihovo polaganje ispita za profesionalnog vatrogasca po isteku pripravničkog staža u PVJ, u periodu od 2021. do 2025. godine, koje će realizovati Vlada u saradnji sa Upravom.

II CILJ PROGRAMA POPUNE UPRAŽNJENIH RADNIH MJESTA U PVJ

Cilj Programa popune upražnjenih radnih mjesta u PVJ je da se u narednih pet godina od 2021. do 2025. godine izvrši planska popuna PVJ sa ljudstvom u skladu sa Pravilnikom o unutrašnjoj organizacije Uprave, čime će se stvoriti pretpostavke da PVJ može operativno u svakom trenutku pravovremeno i efikasno odgovoriti na sve potencijalne požare i druge nesreće na području Kantona.

III NAČIN I POSTUPAK REALIZACIJE PROGRAMA POPUNE UPRAŽNJENIH RADNIH MJESTA U PVJ

Program popune upražnjenih radnih mjesta u PVJ realizovat će Vlada Kantona u saradnji sa Upravom u narednih pet godina od 2021. do 2025. godine na slijedeći način i postupak:

- Vlada Kantona će u narednih pet godina od 2021. do 2025. godine, svake godine u Budžetu Kantona – Uprave osigurati finansijska sredstva za zapošljavanje (prijem) novih 20 profesionalnih vatrogasaca na upražnjena radna mjesta u PVJ.
- Uprava će u narednih pet godina od 2021. do 2025. godine, svake godine dostavljati Vladi Kantona prijedlog odluke o davanju saglasnosti Upravi za popunu 20 upražnjenih radnih mjesta u PVJ, na neodređeno vrijeme.
- Po dobivenoj saglasnosti od Vlade Kantona za popunu upražnjenih radnih mjesta u PVJ, Uprava pokreće postupak popune upražnjenih radnih mjesta u PVJ, po procedurama propisanim za prijem namještenika (javnim oglasom) i državnih službenika (javnim konkursom).
- S obzirom da se u skladu sa članom 76. stav (3) Zakona o zaštiti od požara i vatrogastvu, postavljenja državnih službenika na radna mjesta šef Odjeljenja za vatrogastvo-komandant i zamjenik šefa Odjeljenja za vatrogastvo-zamjenik komandanta u PVJ vrši na period od četiri godine i da 01. decembra 2022. godine ističe četverogodišnji mandat sadašnjem šefu Odjeljenja za vatrogastvo-komandantu i zamjeniku šefa Odjeljenja za vatrogastvo-zamjeniku komandanta u PVJ, Uprava će u mjesecu junu 2022. godine dostaviti Vladi Kantona prijedlog odluke o davanju saglasnosti Upravi za popunu navedenih radnih mjesta na period od četiri godine.
- Po dobijenoj saglasnosti od Vlade Kantona za popunu radnih mjesta šef Odjeljenja za vatrogastvo-komandant i zamjenik šefa Odjeljenja za vatrogastvo-zamjenik komandanta u PVJ, Uprava pokreće postupak popune navedenih radnih mjesta na period od četiri godine, po procedurama propisanim za prijem državnih službenika (javnim konkursom).
- Vlada Kantona će u saradnji sa JU Služba za zapošljavanje Kantona Sarajevo u narednih pet godina od 2021. do 2025. godine, svake godine osigurati sredstva da se kroz programe sufinansiranja zapošljavanje pripravnika SSS i KV stručne spreme, sufinansira zapošljavanje po minimalno 20 vatrogasaca pripravnika u Upravi.
- Na osnovu navedenih programa zapošljavanja pripravnika, Uprava će u saradnji sa JU Služba za zapošljavanje Kantona Sarajevo, svake godine u skladu sa procedurama propisanim za prijem pripravnika SSS i KV stručne spreme, provesti postupak prijema 20 vatrogasaca pripravnika na period od šest mjeseci.
- Uprava će u narednih pet godina od 2021. do 2025. godine za svakog vatrogasca pripravnika obezbijediti obavljanje pripravnčkog staža na period od šest mjeseci u PVJ, tokom kojeg će Uprava za sve vatrogasce pripravnike osigurati kvalitetnu teoretsku i praktičnu obuku prema Planu obuke za za profesionalnog vatrogasca, kojeg sačinjava šef Odjeljenja za vatrogastvo-komandant PVJ u skladu sa članom 4. Uredbe o sadržaju, uslovima, načinu i programu polaganja ispita u oblasti vatrogastva („Službene novine Federacije BiH“, broj: 93/12 i 105/14), te ih upoznati sa Programom za polaganje ispita za profesionalnog vatrogasca iz člana 4. navedene Uredbe, kako bi isti stekli znanja i vještine iz oblasti zaštite od požara i vatrogastva koja su neophodna za polaganje ispita za profesionalnog vatrogasca.
- Uprava će u narednih pet godina od 2021. do 2025. godine, svakom vatrogascu pripravniku, omogućiti da polaže ispit za profesionalnog vatrogasca u roku od tri mjeseca po isteku njegovog pripravnčkog staža u skladu sa Uredbom o sadržaju, uslovima, načinu i programu polaganja ispita u oblasti vatrogastva, pred komisijom koju imenuje direktor Uprave.

Podaci o planiranoj realizaciji Programa popune upražnjenih radnih mjesta u PVJ po godinama su prikazani u slijedećoj tabeli:

R. br.	Godina	Broj uposlenih u PVJ na početku godine	Broj uposlenih u PVJ koji stiču uslov za penzionisanje tokom godine	Planirani broj profesionalnih vatrogasaca koji se trebaju primiti u PVJ tokom godine	Broj uposlenih u PVJ na kraju godine	Popunjenost PVJ u % na kraju godine	Planirani broj pripravnika koji se trebaju primiti u PVJ tokom godine
1.	2021.	186	8	20	198	73,33	20
2.	2022.	198	3	20	215	79,63	20
3.	2023.	215	3	20	232	85,92	20
4.	2024.	232	11	20	241	89,26	20
5.	2025.	241	11	20	250	92,59	20
UKUPNO			36	100			100

IV PRAĆENJE REALIZACIJE PROGRAMA POPUNE UPRAŽNJENIH RADNIH MJESTA U PVJ

U cilju praćenja realizacije Programa popune upražnjenih radnih mjesta u PVJ, Uprava će svake godine u mjesecu januaru, izrađivati Informaciju o realizaciji Programa popune upražnjenih radnih mjesta u PVJ u protekloj godini i dostavljati je Vladi Kantona.

Informacija o realizaciji Programa popune upražnjenih radnih mjesta u PVJ u protekloj godini, treba sadržavati sve mjere i aktivnosti koje su preduzete tokom godine na realizaciji zapošljavanja (prijema) novih profesionalnih vatrogasaca na upražnjena radna mjesta u PVJ, te na realizaciji prijema vatrogasaca pripravnika, obavljenom pripravničkom stažu u PVJ i na njihovom polaganju ispita za profesionalnog vatrogasca, dostiću pripravničkog staža u PVJ.



PREMIJER
Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
- ④ Kantonalna uprava civilne zaštite Kantona Sarajevo,
5. Ministarstvo finansija Kantona Sarajevo,
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

